



COMUNA DE DURGALI

PROVÌNTZIA DE NÙGORO

DELIBERATZIONE DE SU CUSSÌGIU COMUNALE

N. 40 DE SU 26-07-2023

OGETU: Respusta a s'interrogatzione subra de sos fogos de artifiziu de sa festa de Santa Maria de Mare - Cala Gonone

S'annu duasmìgiabintirès, sa die bintisès de su mese de trìulas, a sas oras 17:10, in Durgali, semper in sa sala de sos addòbios consiliares.

A sa Prima cunvoca Istraordinària de oe, partetzipada a sos Sennores Cussigeris a norma de lege, resurtant a s'apellu nominale:

Testone Angela	Presente	Mele Sonia	Presente
Bacchitta Marcella	Presente	Ruiu Gianmaria	Presente
Fancello Antonietta	Assente	Carotti Bernardino Luigi	Presente
Canu Martino Davide	Presente	Loi Silvia	Presente
Spanu Emanueluccia	Assente	Ruiu Francesco	Presente
Patteri Rosa	Presente	Boeddu Giovanni	Presente
Fancello Elena	Assente	Patteri Giovanni	Presente
Mura Marco	Presente	Cossu Maria Lucia	Presente
Sotgia Gabriele	Presente		

Totale presentes N° 14 Cussigeris de N° 17 assignados a sa Comuna e subra de N° 17 Cussigeris in càrriga. Resurtadu legale su nùmeru de sos intervènnidos, assumet sa presidèntzia su Presidente de su Cussìgiu, Dut. Francesco Ruiu.

Atendet a sa setziada su sutascritu Segretàriu Comunale, Dut. Francesco Rosario Arena
Sa setziada est Pùblica

SU CONSÌGIU

Su Presidente faghet presente chi s'interrogatzione at a èssere tratada comente interpellàntzia.

Intervenit su cussigeri Mura chi faghet sos augùrios a su Presidente. Acrarit posca sos cuntenutos de s'interpellàntzia presentada. Faghet unu tzinnu a sos datos turìsticos bogados a campu dae s'Osservatòriu Regionale. Sa crèschida de sos flussos turìsticos in Sardigna (portos, aeroportos) est de su 12,5%, a dolu mannu b'at unu calu de su 30% in Cala Gonone/Durgali, in parte assupridu dae sa faina de sos operadores turìsticos.

Rispondet s'Assessore Mele, sa cale referit paritzas allegas subra de unu tema chi paret dibatidu meda. Un'annu a oe, ammentat s'assessore Mele, sas fortzas políticas s'agataiant in positzione contrària pro chèrrere assicurare s'amparu ambientale, animale etc.. S'Amministrazione Comunale at seberadu de tènnere un'ispetàculu pirotènicu una bia a s'annu (Printzipios de annu) lassende a sos privados sa libertade de lu fàghere in àteras ocasiones. Dae una chirca fata acanta àteras realidades, sa festa patronale est assegurada dae comitados de sas festas, cando su Comunu dat unu contributu de pagu contu. Dae su 2008 at averguadu chi sa Comuna de Durgali at cuntzèdidu su contributu a su Comitadupro sa festa de Santa Maria de mare, non pro s'ispetàculu pirotènicu.

Su cussigeri Mura non si declarat acuntentadu de su totu. Referit chi su Presidente de su Comitadu Sotgia podet atestare s'esistèntzia de una ispacadura intre s'Amministrazione Comunale e sos operadores cummertziales. Si s'assessore los aeret ascurtados diat àere cumpresu chi sos operadores privados non diant èssere istados mancados, e bi diant èssere istados fintzas custa borta, si petzi b'esseret istada una comunicatzione curreta.

S'assessore Mele, pro fatu personale, declarat chi una festa non si faghet petzi cun sas risursas finanziàrias,

ma fintzas cun sas risursas umanas e faghet presente chi s'Assòtziu Cala Gonone fùbalu asd ischit chi s'ispetàculu pirotènicu non faghiat a lu fàghere.

S'assessore Ruiu, in comunicatzione, referit unos cantos datos subra de sa situatzione de su turismu in Sardigna. Sa cussigera R. Patteri referit fintzas issa subra de sa situatzione de su turismu in Sardigna e àugurat chi siat valutada “a fine” s'istitutzione de su nùmeru serradu a Cala Luna.

Su Cussigera G. Patteri àugurat chi s'argumentu de su nùmeru serradu siat postu a s'atentu de su Cussìgiu Comunale.

Sa setziada si serrat a sas oras 18:35.

Letu, aprovalu e sutascritu.

Su Presidente de su Cussìgiu

F.to Dut. Francesco Ruiu

Su Segretàriu Comunale

F.du Dut. Francesco Rosario Arena

ATESTATZIONES E PARRES

(a sos sentidos de s'art. 49 comma 1 de su D.LGS. 267 de su 18.08.2000)

TZERTIFICADU DE PUBLICATZIONE

S'ATESTAT chi sa presente deliberatzione, publicada a s'albu pretòriu informàticu de custu Comunu de su 28-07-2023 a su 12-08-2023, est istada trasmìtida in còpia a sos Cabosgrupu Consiliari (a s'art. 125, c.1, de su D.Lgs 18/08/2000, n° 267) e at a devènnere esecutiva su 07-08-2023:

Su Prepostu a sa Publicatzione

F.da Silvana Loi

Sa presente còpiat est cunforma a s'originale.